




KENYATAAN MEDIA
YB MENTERI KERAJAAN TEMPATAN DAN PERUMAHAN
DAN
MENTERI KEWANGAN II
NEGERI SABAH

A. LAPORAN HARIAN KES JANGKITAN COVID-19

- 1 Berdasarkan laporan Jabatan Kesihatan Negeri Sabah, jumlah kes positif baharu COVID-19 pada hari ini adalah sebanyak 333 kes, menjadikan jumlah kumulatif sebanyak 32,828 kes. Tiada kes kematian dicatatkan.
- 2 Pada hari ini, seramai 245 pesakit COVID-19 telah discaj / sembuh dari hospital menjadikan jumlah kumulatif sembuh 29,449 orang. Sejumlah 1,904 pesakit sedang menerima rawatan iaitu 629 orang di hospital dan 1,275 orang di PKRC. Bilangan pesakit COVID-19 dalam ICU ialah 62 orang dan 19 orang pula memerlukan alat bantuan pernafasan (*ventilated*).
- 3 Kes-kes jangkitan COVID-19 pada hari ini mengikut daerah adalah seperti berikut:



Tiada Penambahan zon merah direkodkan

- 4 Pada hari ini, tiada kluster baharu dilaporkan.
- 5 Jumlah kes yang tinggi hari ini berpunca dari saringan kluster-kluster sedia ada iaitu sebanyak 12 kluster yang mencatatkan 166 kes. Kluster yang merekodkan jumlah tertinggi ialah Kluster Rumah Merah 78 kes.
- 6 Daripada 333 kes positif COVID-19 yang dicatatkan, sebanyak 166 kes (49.9%) adalah berpunca dari saringan kluster-kluster sedia ada, 104 kes (31.2%) dari saringan kontak rapat di 13 daerah, saringan bergejala 42 kes (12.6%), saringan komuniti 2 kes (0.6%) dan 19 kes (5.7%) adalah dari lain-lain kategori.
- 7 Jumlah kapasiti katil di Hospital COVID-19 adalah sebanyak 1,029 unit. Sementara, di Pusat Kuarantin dan Rawatan Berisiko Rendah (PKRC) adalah 5,566 unit menjadikan jumlah keseluruhan 6,595 unit. Peratus penggunaan katil pada hari ini adalah 28.87%.

B. PERINGATAN UNTUK TERUS MEMATUHI *STANDARD OPERATING PROCEDURE (SOP)* KETIKA MENGHADIRI SEBARANG MAJLIS SOSIAL

- 1 Kebelakangan ini, didapati semakin banyak kluster-kluster yang terbentuk daripada majlis sosial yang tidak mengikut SOP. Ini termasuklah majlis sosial melibatkan kaum keluarga, majlis keraian dan upacara keagamaan.
- 2 Masyarakat dinasihatkan untuk akur dan patuh kepada SOP yang telah ditetapkan. Aktiviti majlis sosial tanpa mematuhi SOP akan meningkatkan risiko penularan COVID-19 kepada orang ramai. Justeru, adalah amat penting bagi kita sentiasa berwaspada dan berusaha melindungi diri sendiri, keluarga dan juga masyarakat di sekeliling daripada mendapat jangkitan COVID-19.
- 3 Penularan virus ini boleh dielakkan dengan sentiasa memastikan penjarakan fizikal yang selamat, kerap mencuci tangan dengan air dan sabun atau *hand sanitizer* serta pemakaian alat pelitup muka.
- 4 Orang ramai digesa supaya tetap patuh kepada SOP dalam semua keadaan dan tempat. Biasakan yang betul, dan betulkan yang biasa.

C. PENAMATAN PERINTAH KAWALAN PERGERAKAN DIPERKETATKAN (PKPD) DI KG. NUMBAK DAN PENEMPATAN TELIPOK, KOTA KINABALU

- 1 Kerajaan sebelum ini telah melaksanakan Perintah Kawalan Pergerakan Diperketatkan (PKPD) di Kg. Numbak dan Penempatan Telipok bermula 16 November 2020 yang kemudiannya dilanjutkan lagi dan dijadualkan tamat pada hari ini, 13 Disember 2020.
- 2 Sehingga 10 Disember 2020, KKM telah melaksanakan sebanyak 6,776 ujian saringan di kedua-dua lokaliti ini dan sebanyak 175 kes kumulatif positif COVID telah direkodkan di Kg. Numbak dan 224 kes di Penempatan Telipok.
- 3 Walau bagaimanapun, sehingga kini KKM mengesahkan jumlah kes aktif di kedua-dua lokaliti ini menunjukkan *trend* penurunan dan terkawal.
- 4 Atas nasihat KKM, Kerajaan bersetuju untuk menamatkan PKPD di Kg. Numbak dan Penempatan Telipok pada hari ini 13 Disember 2020 seperti yang dijadualkan. Namun demikian, lokaliti ini masih tertakluk kepada Perintah Kawalan Pergerakan Bersyarat (PKPB) seluruh Negeri Sabah yang sedang berkuat kuasa

D. BANTUAN BAKUL MAKANAN (FOOD BASKET)

Sehingga hari ini, sebanyak **296,160** bakul makanan telah diagihkan kepada golongan sasar.

E. BANTUAN LOGISTIK

- 1 Jawatankuasa Pengurusan Bencana Negeri mempunyai 239 buah kenderaan yang sedia digunakan bagi tujuan bantuan logistik COVID-19.
- 2 Daripada jumlah tersebut, sebanyak 28 buah kenderaan digunakan untuk mengangkut pesakit COVID-19, manakala 22 buah kenderaan digunakan untuk menghantar bakul makanan ke lokasi sasaran. Baki 189 kenderaan pelbagai jenis bersedia digerakkan jika perlu.

F. KADAR PEMATUHAN PENDUDUK TERHADAP SOP PERINTAH KAWALAN PERGERAKAN BERSYARAT (PKPB)

- 1 Kadar pematuhan penduduk terhadap SOP PKPB pada hari ini ialah **98%**. Pecahan mengikut daerah adalah seperti berikut:

BIL	DAERAH	PERATUS
1	Kinabatangan	99%
2	Sipitang	99%
3	Kota Belud	99%
4	Kota Kinabalu	99%
5	Kudat	98.5%
6	Beaufort	98.5%
7	Kunak	98.5%
8	Semporna	98%
9	Penampang	98%
10	Papar	98%
11	Kota Marudu	98%
12	Beluran	98%
13	Sandakan	98%
14	Lahad Datu	97%
15	Tuaran	97%
16	Keningau	97%
17	Tenom	97%
18	Tawau	97%
19	Ranau	96%

- 2 Orang ramai dinasihatkan agar **TIDAK KELUAR RUMAH** jika tiada keperluan atau urusan penting serta terus patuhi segala arahan yang telah ditetapkan oleh pihak berkuasa tempatan dalam membendung penularan pandemik ini.
- 3 Pihak PDRM juga akan terus melaksanakan pemantauan dan tindakan tegas akan diambil terhadap mereka yang ingkar pada SOP yang sedang berkuat kuasa.

G. LAPORAN SANITASI DAN HEBAHAN UMUM *INFO ON WHEELS* (IOW)

- 1 Jabatan Bomba dan Penyelamat Sabah telah melaksanakan sanitasi awam di empat (4) premis di empat (4) buah daerah iaitu Lahad Datu, Sandakan, Kinabatangan dan Tawau.
- 2 Hebahan umum *Info On Wheels* Jabatan Penerangan Malaysia Sabah mengenai pematuhan SOP, amalkan 3W, elakkan 3C dan pembudayaan norma baharu telah dilaksanakan di 41 lokasi di empat (4) daerah. Hebahan dibuat dalam empat (4) bahasa iaitu Bahasa Melayu, Bahasa Dusun, Bahasa Iranun dan Bahasa Bajau.

Masyarakat dinasihatkan untuk menjalani ujian saringan dengan kadar segera sekiranya mempunyai kontak rapat dengan individu yang disahkan positif COVID-19.

Bersama-sama kita putuskan rantai COVID-19 dengan mengamalkan norma baharu dalam kehidupan seharian demi kesejahteraan diri, keluarga serta masyarakat.

#kitajagakita #normabaharu

Sekian.

**YB MENTERI KERAJAAN TEMPATAN DAN PERUMAHAN
DAN
MENTERI KEWANGAN II**

13 Disember 2020